



**ԱՐԵՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ**  
**NATIONAL SUPREME COUNCIL OF THE ARMENIANS OF WESTERN ARMENIA**  
**НАЦИОНАЛЬНЫЙ ВЕРХОВНЫЙ СОВЕТ АРМЯН ЗАПАДНОЙ АРМЕНИИ**  
**المجلس الوطني الأعلى لأرمن أرمينيا الغربية**

**ՀԱՂՈՐԴԱԳՐՈՒԹԻՒՆ**

**ԱՄՆ-ի կողմին Ցեղասպանությունը ճանչնալու, եւ անոր հետեւանքներուն մասին**

Արեւմտահայութեան Ազգային Գերագոյն Խորհուրդի հիմնադիր մարմինը, ջերմօրէն կը դրուատէ Ամերիկայի Միացեալ Նահանգներուն կողմէն կատարուած՝ **Հայ ժողովուրդին դէմ գործադրուած ցեղասպանութեան բացայայտ ճանաչումը**:

Այդ ճանաչումը լոկ բարոյական է, եւ իր քաղաքական բովանդակութեան մէջ, ան որեւէ իրաւական հետեւանքներ չի պարունակեր: Մանաւանդ, երբ այնտեղ յստակօրէն նշուած է թէ՛ ԱՄՆ պետութիւնը «մեղադրանք» հարուցելու մտադիր չէ:

Արեւմտահայութիւնը ԱՄՆ-էն մեղադրանք չ'ակնկալեր, այլ **գործնական քայլեր՝ Ուիլսոնեան իրաւարար վճիռի իրագործումով**, եւ այս վճիռով սահմանուած Հայկական տարածքները **ճանչնալով**, որպէս **գրաւեալ տարածքներ**, ըստ՝ Հաագայի (Լահայի) ցամաքային պատերազմի օրէնքներու մասին՝ 18 Հոկտեմբեր 1907-ի 4-րդ պայմանադրութեան 3-րդ բաժինի 42-րդ յօդուածին:

ԱՄՆ պաշտօնական կարգ մը հեղինակութիւններ, այս ճանաչումի դէպքին հետ միաժամանակ, կը խօսին **Սիւնիքի անվտանգութեան հանդէպ ցուցաբերուած, ԱՄՆ-ի մտահոգութիւններուն մասին**: Այս հանգամանքն ալ դրական **զարգացում մըն է**, որու համար ամենէն **իրատեսական լուծումը**, անգամ մը եւս, կը դառնայ **Ուիլսոնեան իրաւարար վճիռի գործադրութիւնը**, որու որպէս արդիւնք՝ Սիւնիքը կը ստանայ, լայնածաւալ **հայկական հողերով եւ բնականօրէն պաշտպանուած, իր անվտանգութիւնը ապահովող աշխարհագրական գօտին**, եւ միանգամընդմիջտ վերջ կը տրուի **փանթուրանական ծրագիրին**:

Սա է հարցերու **բնական եւ օրինական ընթացքը**:

Ոմանք, ապակողմնորոշիչ բացայայտ ձգտումներով կը փորձեն Հայութեան հանրային կարծիքը թունաւորել՝ դէպի **Թուրքիոյ հետ ինչ որ հաշտութիւն կնքելու ուղղութեամբ խեղաթիւրուած միտքերով**: Այս հարցի նկատմամբ, Արեւմտահայութեան Ազգային Գերագոյն Խորհուրդի հիմնադիր մարմինը բազմիցս արտայայտած է իր **սկզբունքային դիրքորոշումը**, զոր անգամ մը եւս կընդգծենք՝ **յստակ եւ կտրուկ հետեւեալ կէտերով**.

1. Զաւթիչ Թուրքիոյ հետ Հայկական որեւէ **բաղադրիչի կողմէ, հաշտութեան կամ բնականոնացումի որեւէ քայլ, նախքան Արեւմտեան Հայաստանի եւ Արեւմտահայութեան բոլոր իրաւաբաղաքական, եւ այլ իրաւունքներուն վերատիրանալը**, կը համարուի **ԱԶԳԱՅԻՆ ԴԱԲԱՃԱՆՈՒԹԻՒՆ**:



**ԱՐԵՎՍԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ**  
**NATIONAL SUPREME COUNCIL OF THE ARMENIANS OF WESTERN ARMENIA**  
**НАЦИОНАЛЬНЫЙ ВЕРХОВНЫЙ СОВЕТ АРМЯН ЗАПАДНОЙ АРМЕНИИ**  
**المجلس الوطني الأعلى لأرمن أرمينيا الغربية**

2. Արեւմտահայութիւնը ո՛չ մէկ այլ, ներառեալ որեւէ հայկական կողմի, ո՛չ մէկ լիազօրութիւն տուած է, թէ՛ Թուրքիոյ հետ հաշտութիւններ կնքելու ողջ Հայութեան անունով, եւ թէ՛, ու մանաւանդ, գրաւեալ Արեւմտեան Հայաստանի հողային եւ այլ իրաւունքներու ճակատագիրը որոշելու, կամ անոնց մասին բանակցութիւններ վարելու հարցերով:
3. Հայկական որեւէ բաղադրիչ, եթէ ինքզինքին թոյլ տայ նման որեւէ հաշտութեան, կամ այլ նպատակ հետապնդող, բանակցութիւններ վարել թշնամի զաւթիչ Թուրքիոյ հետ, ապա ան կը կատարէ իր հատուածով եւ սեփական անունով, եւ ըստ այնմ կը ստանայ Արեւմտահայութեան պատասխանը:
4. Սիւնիքն ու Մեղրիի միջանցքի խնդիրները, անմիջական կապ ունին՝ Արեւմտահայութեան ազգային եւ իրաւաբաղաքական իրաւունքներու, անվտանգութեան, եւ գերագոյն շահերուն հետ: Հետեւաբար, այդ խնդիրներու նկատմամբ որեւէ զարգացում անվաւեր է առանց Արեւմտահայութեան փաստացի համաձայնութեան:

Եթէ Արցախի վերջին պատերազմը ինչ որ իրաւական պարտաւորութիւններ դրաւ Արեւելահայաստանին վրայ, ապա այդ պարտաւորութիւնները ի զօրու չե՛ն ողջ Հայութեան համար, մանաւանդ Արեւմտահայութեան ու անոր հողային, իրաւաբաղաքական, ազգային անվտանգութեան եւ այլ իրաւունքներու համար: Արեւմտահայութիւնը ոչ մէկ մասնակցութիւն ունէր, ոչ Արցախի վերջին պատերազմը հրահրելու, ոչ ալ մեր ժողովուրդը պարտութեան տանելու որոշումներ կայացնելուն մէջ:

Սոյն Հաղորդագրութեամբ, Արեւմտահայութեան Ազգային Գերագոյն Խորհուրդի հիմնադիր մարմինը, անգամ մը եւս կը ցանկնայ այստեղ նշուած յստակ դիրքորոշումները հաստատել եւ հասկնալի դարձնել, անխտիր բոլոր շահագրգռուած կողմերուն, եւ յատկապէս՝ բարեկամներուն, թշնամիներէն առաջ:

**ԱՐԵՎՍԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի**  
**հիմնադիր մարմն**

26 ԱՊՐԻԼ 2021